

# საქართველოს მოსამართლეთა XXVI რიგგარეშე კონფერენცია



2019 წელი

5 ოქტომბერი, 2019 წელი

იუსტიციის უმაღლესი სკოლა

(მის: ქ. თბილისი, ნოდარ ბოხუას ქ. №19)

დ დ ი ს წ ე ს რ ი გ ი

10:00 - 11:00 სთ. - მოსამართლეთა რეგისტრაცია

1. 11:00 - 11:20 სთ.

„მოსამართლეთა კონფერენციის რეგლამენტში ცვლილებებისა და დამატებების შეტანის შესახებ“ პროექტის დამტკიცება - *(გადაწყვეტილება მიიღება ღია კენჭისყრით, საქართველოს მოსამართლეთა კონფერენციის სიითი შემადგენლობის უმრავლესობით).*

2. 11:20 - 11:40 სთ.

საქართველოს იუსტიციის უმაღლესი საბჭოს მდივნის - გიორგი მიქაუტაძის ყოველწლიური ანგარიში.

3. 11:40 - 12:00 სთ.

საერთო სასამართლოების დეპარტამენტის თავმჯდომარის - შოთა ქარჩავას ყოველწლიური ანგარიში.

4. 12:00 - 12:40 სთ.

დამოუკიდებელი ინსპექტორის - ქეთევან ცინცაძის ანგარიში გაწეული საქმიანობის შესახებ.

## 5. 12:40 - 12:45 სთ.

სადისციპლინო კოლეგიის საქმიანობისა და განხილული დისციპლინური საქმეების შესახებ სტატისტიკური ინფორმაციის გაცნობა მოსამართლეთა კონფერენციისათვის;

## 6. 12:45 - 12:50 სთ.

მოსამართლეთა კონფერენციის ადმინისტრაციული კომიტეტის წევრობის კანდიდატების დასახელება. - (კონფერენციის მიერ ასარჩევია ადმინისტრაციული კომიტეტის 3 (სამი) წევრი. კანდიდატურის დასახელების უფლება აქვს საქართველოს მოსამართლეთა კონფერენციაზე დამსწრე ნებისმიერ მოსამართლეს. „საერთო სასამართლოების შესახებ“ საქართველოს ორგანული კანონის 64-ე მუხლის მე-3 პუნქტის თანახმად, ადმინისტრაციული კომიტეტის წევრი არ შეიძლება იმავდროულად იყოს სასამართლოს თავმჯდომარე, მისი პირველი მოადგილე ან მოადგილე, კოლეგიის ან პალატის თავმჯდომარე.)

მოსამართლეთა კონფერენციის რეგლამენტის მე-19 მუხლის პირველი პუნქტის თანახმად, ადმინისტრაციული კომიტეტის სამ წევრს (ირაკლი კოპალიანი, ამირან ძაბუნძიძე, ნიკოლოზ მარგველაშვილი) 2019 წლის 9 ივლისს შეუწყდა ადმინისტრაციული კომიტეტის წევრის უფლებამოსილება, სამწლიანი ვადის გასვლის გამო.

## 7. 12:50 - 12:55 სთ.

საქართველოს საერთო სასამართლოების სადისციპლინო კოლეგიის წევრობის კანდიდატების დასახელება. (კონფერენციის მიერ ასარჩევია სადისციპლინო კოლეგიის 3 (სამი) წევრი. კანდიდატურის დასახელების უფლება აქვს საქართველოს მოსამართლეთა კონფერენციაზე დამსწრე ნებისმიერ მოსამართლეს. სადისციპლინო კოლეგიის წევრი არ შეიძლება იყოს: უზენაესი სასამართლოს თავმჯდომარე, მისი პირველი მოადგილე ან მოადგილე, სასამართლოს თავმჯდომარე, მისი პირველი მოადგილე ან მოადგილე, კოლეგიის ან პალატის თავმჯდომარე, ან პირი, რომელსაც ბოლო 1 წლის განმავლობაში ეკავა რომელიმე ასეთი თანამდებობა, საქართველოს იუსტიციის უმაღლესი საბჭოს წევრი; მოსამართლე არ შეიძლება იყოს სადისციპლინო კოლეგიის წევრი, თუ მას ბოლო 5 წლის განმავლობაში დისციპლინური გადაცდომის ჩადენისათვის დაეკისრა დისციპლინური პასუხისმგებლობა და სახდელი.)

## 8. 12:55 - 13:00 სთ.

ხმის დამთვლელი კომისიის არჩევა 5 მოსამართლის შემადგენლობით (საქართველოს მოსამართლეთა კონფერენცია გადაწყვეტილებას იღებს ღია კენჭისყრით, სხდომაზე დამსწრე წევრთა ხმების უმრავლესობით.)

9. 13:00 - 14:00 სთ.

საქართველოს მოსამართლეთა კონფერენციის ადმინისტრაციული კომიტეტის 3 (სამი) წევრის არჩევა - (არჩევნების I ტური ტარდება ფარული კენჭისყრით და კონფერენცია გადაწყვეტილებას იღებს სხდომაზე დამსწრე წევრთა 2/3-ის უმრავლესობით)

**14:00 - 14:30 სთ. - სადილი.**

10. 14:30 - 15:30 სთ.

საერთო სასამართლოების მოსამართლეთა სადისციპლინო კოლეგიის 3 (სამი) წევრის არჩევა - (არჩევნების I ტური ტარდება ფარული კენჭისყრით და კონფერენცია გადაწყვეტილებას იღებს სხდომაზე დამსწრე წევრთა 2/3-ის უმრავლესობით)

11. 15:30 - 16:30 სთ.

საქართველოს მოსამართლეთა კონფერენციის ადმინისტრაციული კომიტეტის 3 (სამი) წევრის არჩევა, (არჩევნების II ტური (საჭიროების შემთხვევაში) - ტარდება ფარული კენჭისყრით, კანდიდატის მიერ მიღებული ხმების რაოდენობა არ უნდა იყოს საქართველოს მოსამართლეთა კონფერენციის სრული შემადგენლობის ხმათა 1/4-ზე ნაკლები)

12. 16:30 - 17:30 სთ.

საერთო სასამართლოების მოსამართლეთა სადისციპლინო კოლეგიის 3 (სამი) წევრის არჩევა - I ტური - (არჩევნების II ტური (საჭიროების შემთხვევაში) - ტარდება ფარული კენჭისყრით, კანდიდატის მიერ მიღებული ხმების რაოდენობა არ უნდა იყოს საქართველოს მოსამართლეთა კონფერენციის სრული შემადგენლობის ხმათა 1/4-ზე ნაკლები)

13. 17:30 - 18:30 სთ.

ადმინისტრაციული კომიტეტის წევრებიდან ადმინისტრაციული კომიტეტის თავმჯდომარის არჩევა - (არჩევნების I ტური ტარდება ფარული კენჭისყრით და კონფერენცია გადაწყვეტილებას იღებს სხდომაზე დამსწრე წევრთა 2/3-ის უმრავლესობით)

14. 18:30 - 19:30 სთ.

ადმინისტრაციული კომიტეტის წევრებიდან ადმინისტრაციული კომიტეტის თავმჯდომარის არჩევა - (არჩევნების II ტური (საჭიროების შემთხვევაში) ტარდება ფარული კენჭისყრით, კანდიდატის მიერ მიღებული ხმების რაოდენობა არ უნდა იყოს საქართველოს მოსამართლეთა კონფერენციის სრული შემადგენლობის ხმათა 1/4-ზე ნაკლები)



საქართველოს მოსამართლეთა კონფერენციის

დადგენილება № 1

ქ.თბილისი

5 თებერვალი 2019 წელი

„საქართველოს მოსამართლეთა კონფერენციის  
რეგლამენტში ცვლილების შეტანის შესახებ“

„საერთო სასამართლოების შესახებ“ საქართველოს ორგანული კანონის 63-ე და 65-ე მუხლებისა და საქართველოს მოსამართლეთა კონფერენციის რეგლამენტის მე-6 და მე-7 მუხლების საფუძველზე, საქართველოს მოსამართლეთა კონფერენცია

ა დ გ ე ნ ს:

1. დამტკიცდეს „საქართველოს მოსამართლეთა კონფერენციის რეგლამენტში ცვლილების შეტანის შესახებ“ ცვლილებები თანდართული სახით (დანართი №1).
2. ეს დადგენილება ამოქმედდეს დამტკიცებისთანავე.

თეა ძიმისტარაშვილი

საქართველოს მოსამართლეთა კონფერენციის  
ადმინისტრაციული კომიტეტის საგანგებოდ უფლებამოსილი წევრი

„საქართველოს მოსამართლეთა კონფერენციის რეგლამენტში ცვლილების შეტანის შესახებ“

I. საქართველოს მოსამართლეთა კონფერენციის რეგლამენტში შეტანილ იქნეს შემდეგი ცვლილება:

1. მე-6 მუხლის:

ა) პირველი პუნქტის „გ“ ქვეპუნქტი ჩამოყალიბდეს შემდეგი რედაქციით:

„გ) ისმენს საქართველოს იუსტიციის უმაღლესი საბჭოს თავმჯდომარის, საქართველოს იუსტიციის უმაღლესი საბჭოს მდივნის, საქართველოს იუსტიციის უმაღლესი საბჭოს დამოუკიდებელი ინსპექტორისა და საერთო სასამართლოების დეპარტამენტის თავმჯდომარის ყოველწლიურ ანგარიშებს ამ ორგანოთა მუშაობის შესახებ;“;

ბ) პირველი პუნქტის „გ“ ქვეპუნქტის შემდეგ დაემატოს შემდეგი შინაარსის „გ<sup>1</sup>“ ქვეპუნქტი:

„გ<sup>1</sup>) ისმენს სადისციპლინო კოლეგიის საქმიანობისა და განხილული დისციპლინური საქმეების შესახებ სტატისტიკურ ინფორმაციას;“;

გ) მე-4 პუნქტი ჩამოყალიბდეს შემდეგი რედაქციით:

„4. საქართველოს იუსტიციის უმაღლესი საბჭოს მდივანს 4 წლის ვადით ირჩევს საქართველოს მოსამართლეთა კონფერენცია მის მიერ არჩეულ საქართველოს იუსტიციის უმაღლესი საბჭოს წევრთაგან. საქართველოს იუსტიციის უმაღლესი საბჭოს მდივანს არ შეიძლება იმავედროულად ეკავოს სასამართლოს თავმჯდომარის, მისი პირველი მოადგილის ან მოადგილის, სასამართლო კოლეგიის ან პალატის თავმჯდომარის თანამდებობა.“;

დ) მე-5 პუნქტის შემდეგ დაემატოს შემდეგი შინაარსის 5<sup>1</sup> პუნქტი:


„5<sup>1</sup>. საქართველოს მოსამართლეთა კონფერენციის მიერ არჩეული იუსტიციის უმაღლესი საბჭოს წევრი არ შეიძლება იყოს თანამდებობაზე 3 წლის ვადით გამწესებული მოსამართლე (გარდა იმ შემთხვევისა, როდესაც მას აქვს მოსამართლედ მუშაობის არანაკლებ 5 წლის გამოცდილება), უზენაესი სასამართლოს სადისციპლინო პალატის ან საკვალიფიკაციო პალატის წევრი. საქართველოს მოსამართლეთა კონფერენციის მიერ არჩეულ წევრთა ნახევარზე მეტი არ შეიძლება იყოს სასამართლოს თავმჯდომარე, მისი პირველი მოადგილე ან მოადგილე ან სასამართლო კოლეგიის ან პალატის თავმჯდომარე.“;

ე) მე-7 პუნქტი ჩამოყალიბდეს შემდეგი რედაქციით:

„7. სადისციპლინო კოლეგიის წევრი არ შეიძლება იყოს უზენაესი სასამართლოს თავმჯდომარე, მისი პირველი მოადგილე ან მოადგილე, სასამართლოს თავმჯდომარე, მისი პირველი მოადგილე ან მოადგილე, კოლეგიის ან პალატის თავმჯდომარე, ან პირი, რომელსაც ბოლო 1 წლის განმავლობაში ეკავა რომელიმე ასეთი თანამდებობა, აგრეთვე, საქართველოს იუსტიციის უმაღლესი საბჭოს წევრი და ის მოსამართლე, რომელსაც ბოლო 5 წლის განმავლობაში დისციპლინური გადაცდომის ჩადენისათვის დაეკისრა დისციპლინური პასუხისმგებლობა და სახდელი.“;

ვ) მე-11 პუნქტის შემდეგ დაემატოს შემდეგი შინაარსის მე-12 პუნქტი:

„12. „საერთო სასამართლოების შესახებ“ საქართველოს ორგანული კანონის 48-ე მუხლის პირველი პუნქტის „ა“-„ზ“ ქვეპუნქტებში და 75<sup>19</sup> მუხლის მე-6 პუნქტის „ა“-„ვ“ ქვეპუნქტებში მითითებული რომელიმე გარემოების არსებობისას საქართველოს მოსამართლეთა კონფერენცია ასეთი გარემოების არსებობის შესახებ ინფორმაციას იღებს ცნობად, გადაწყვეტილებას მიღების გარეშე, რაც ფორმდება დადგენილების სახით. „საერთო სასამართლოების შესახებ“ საქართველოს



ორგანული კანონის 48-ე მუხლის პირველი პუნქტის „თ“-„ლ“ ქვეპუნქტებში და 75<sup>19</sup> მუხლის მე-6 პუნქტის „ზ“-„ვ“ ქვეპუნქტებში მითითებული რომელიმე გარემოების არსებობისას მოსამართლეთა კონფერენცია კენჭს უყრის გადაწყვეტილებას, შესაბამისად, იუსტიციის უმაღლესი საბჭოს წევრისა და სადისციპლინო კოლეგიის წევრის უფლებამოსილების შეწყვეტის შესახებ.“.

2. მე-7 მუხლის:

ა) მე-3 პუნქტი ჩამოყალიბდეს შემდეგი რედაქციით:

„3. კონფერენციის სახელით, კონფერენციის მიმართვებსა და დადგენილებებს ხელს აწერს კონფერენციის სხდომის თავმჯდომარე.“;

ბ) მე-3 პუნქტის შემდეგ დაემატოს შემდეგი შინაარსის მე-4 და მე-5 პუნქტები:

„4. კონფერენციის გადაწყვეტილების რეკვიზიტებია:

ა) გადაწყვეტილების სათაური;

ბ) გადაწყვეტილების მიღების თარიღი და ადგილი;

გ) სარეგისტრაციო ნომერი;

დ) უფლებამოსილი თანამდებობის პირის გვარი, სახელი და ხელმოწერა.

5. კონფერენციის მიერ მიღებული გადაწყვეტილებები, საჭიროების შემთხვევაში, შესაძლებელია გადაეგზავნოს შესაბამის სახელმწიფო ორგანოებს და იმ პირებს, ვისაც ეს გადაწყვეტილება პერსონალურად ეხება.“.

3. მე-8 მუხლის მე-7 პუნქტი ჩამოყალიბდეს შემდეგი რედაქციით:

„7. საქართველოს მოსამართლეთა კონფერენციის (რიგგარეშე კონფერენციის) სხდომის დღის წესრიგს ამტკიცებს მოსამართლეთა კონფერენციის ადმინისტრაციული კომიტეტი.“.

4. მე-19 მუხლი ჩამოყალიბდეს შემდეგი რედაქციით:

**„მუხლი 19.“**

1. მე-18 მუხლით გათვალისწინებული საფუძვლების არსებობის შემთხვევაში, ადმინისტრაციული კომიტეტის წევრის (თავმჯდომარის) უფლებამოსილების შეწყვეტის ან შეჩერების შესახებ გადაწყვეტილება მიიღება ადმინისტრაციული კომიტეტის მიერ.

2. ადმინისტრაციული კომიტეტის წევრობის საკუთარი სურვილით შეწყვეტის შემთხვევაში, წერილობითი განცხადება წარედგინება ადმინისტრაციულ კომიტეტს.

3. კომიტეტის წევრს უფლებამოსილება უწყდება ადმინისტრაციული კომიტეტის მიერ გადაწყვეტილების მიღების დღიდან.“.

5. 22-ე მუხლის მე-2 პუნქტის შემდეგ დაემატოს შემდეგი შინაარსის 2<sup>1</sup> პუნქტი:

„2<sup>1</sup>. საგანგებოდ უფლებამოსილი ადმინისტრაციული კომიტეტის ერთ-ერთი წევრის არჩევამდე ადმინისტრაციული კომიტეტის სხდომას უძღვება ადმინისტრაციული კომიტეტის უხუცესი წევრი.“.

6. 23-ე მუხლს დაემატოს შემდეგი შინაარსის მე-6 პუნქტი:

„6. ადმინისტრაციული კომიტეტის გადაწყვეტილების რეკვიზიტებია:

ა) გადაწყვეტილების სათაური;

ბ) გადაწყვეტილების მიღების თარიღი და ადგილი;

გ) სარეგისტრაციო ნომერი;

დ) უფლებამოსილი თანამდებობის პირის გვარი, სახელი და ხელმოწერა.“.

7. 25-ე მუხლს დაემატოს შემდეგი შინაარსის მე-3 და მე-4 პუნქტები:

„3. სამდივნო თავის საქმიანობას ახორციელებს ამ რეგლამენტის შესაბამისად.

4. ადმინისტრაციული კომიტეტი სამდივნოს შემადგენლობიდან განსაზღვრავს საჯარო ინფორმაციის გაცემაზე პასუხისმგებელ პირს.“.



8. 26-ე მუხლი ჩამოყალიბდეს შემდეგი რედაქციით:

**„მუხლი 26.**

1. სამდივნო:

ა) ამზადებს კონფერენციისა და ადმინისტრაციული კომიტეტის სხდომებს, ახორციელებს კონფერენციისა და ადმინისტრაციული კომიტეტის საქმიანობის ორგანიზაციულ-სამართლებრივ უზრუნველყოფას, ასრულებს ხმის დამთვლელი კომისიის დავალებებს;

ბ) ადმინისტრაციულ კომიტეტთან შეთანხმებით წყვეტს სხდომათა მოწვევასთან დაკავშირებულ ორგანიზაციულ, მატერიალურ-ტექნიკურ, საფინანსო და სხვა საკითხებს;

გ) აქვეყნებს მოსამართლეთა კონფერენციის სხდომის დღის წესრიგს უზენაესი სასამართლოს ოფიციალურ ვებგვერდზე;

დ) ასრულებს კონფერენციის ადმინისტრაციული კომიტეტის ცალკეულ დავალებებს, ორგანიზაციას უწევს სამეცნიერო-კვლევით, საინფორმაციო-საცნობარო და სხვა მასალების მომზადებას;

ე) ამზადებს და სხდომათა შორის პერიოდში მოსამართლეებს, ადმინისტრაციული კომიტეტის წევრებს აწვდის აუცილებელ საინფორმაციო მასალებს;

ვ) უზრუნველყოფს კონფერენციისა და ადმინისტრაციული კომიტეტის საქმისწარმოებას - გადაწყვეტილებების პროექტების მომზადებას, სხდომათა ოქმების წარმოებას, დოკუმენტების აღრიცხვას, დანიშნულებისამებრ გადაცემას, შემოსულ კორესპონდენციაზე პასუხების მომზადებას, შენახვას და სხვა;

ზ) უზრუნველყოფს კონფერენციისა და ადმინისტრაციული კომიტეტის გადაწყვეტილებების მოსამართლეთათვის გაცნობას უზენაესი სასამართლოს ვებგვერდის საშუალებით.

2. სამდივნო თავის საქმიანობაში იყენებს შტამპს წარწერით:

|   |           |     |
|---|-----------|-----|
| საქართველოს მოსამართლეთა კონფერენციის<br>ადმინისტრაციული კომიტეტი |           |     |
| № ----- ფურცლების რაოდენობა -----                                 |           |     |
| თარიღი  | ხელმოწერა | დრო |


3. სამდივნო თავის საქმიანობაში იყენებს მრგვალ ბეჭედს წარწერით წრეზე „საქართველოს მოსამართლეთა კონფერენციის ადმინისტრაციული კომიტეტი“, ხოლო შუაში - „გზავნილებისთვის“.

9. რეგლამენტს დაემატოს შემდეგი შინაარსის V<sup>3</sup> თავი:

**„თავი V<sup>3</sup>. მოსამართლეთა კონფერენციისა და ადმინისტრაციული კომიტეტის მატერიალური და ფინანსური უზრუნველყოფა**

**მუხლი 26<sup>6</sup>.** მოსამართლეთა კონფერენციისა და ადმინისტრაციული კომიტეტის საქმიანობის მატერიალურ და ფინანსურ უზრუნველყოფას ახორციელებს საქართველოს იუსტიციის უმაღლეს საბჭოსთან არსებული საჯარო სამართლის იურიდიული პირი - საერთო სასამართლოების დეპარტამენტი.“.

II. ეს ცვლილება ამოქმედდეს დამტკიცებისთანავე.





საქართველოს მოსამართლეთა კონფერენციის

დადგენილება № 2

ქ.თბილისი

5 ოქტომბერი 2019 წელი

საქართველოს მოსამართლეთა კონფერენციის  
ადმინისტრაციული კომიტეტის წევრის არჩევის თაობაზე

„საერთო სასამართლოების შესახებ“ საქართველოს ორგანული კანონის 64-ე და 65-ე მუხლების, საქართველოს მოსამართლეთა კონფერენციის რეგლამენტის მე-6 და მე-7 მუხლების საფუძველზე, საქართველოს მოსამართლეთა კონფერენცია

ა დ გ ე ნ ს:

1. საქართველოს მოსამართლეთა კონფერენციის ადმინისტრაციული კომიტეტის წევრად არჩეულ იქნეს თბილისის სააპელაციო სასამართლოს ადმინისტრაციულ საქმეთა პალატის მოსამართლე - ნანა დარასელია.
2. ეს დადგენილება ამოქმედდეს 2019 წლის 5 ოქტომბრიდან.

თეა ძიმისტარაშვილი

საქართველოს მოსამართლეთა კონფერენციის  
ადმინისტრაციული კომიტეტის საგანგებოდ უფლებამოსილი წევრი





საქართველოს მოსამართლეთა კონფერენციის

დადგენილება № 3

ქ.თბილისი

5 ოქტომბერი 2019 წელი

საქართველოს მოსამართლეთა კონფერენციის  
ადმინისტრაციული კომიტეტის წევრის არჩევის თაობაზე

„საერთო სასამართლოების შესახებ“ საქართველოს ორგანული კანონის 64-ე და 65-ე მუხლების, საქართველოს მოსამართლეთა კონფერენციის რეგლამენტის მე-6 და მე-7 მუხლების საფუძველზე, საქართველოს მოსამართლეთა კონფერენცია

ა დ გ ე ნ ს:

1. საქართველოს მოსამართლეთა კონფერენციის ადმინისტრაციული კომიტეტის წევრად არჩეულ იქნეს თბილისის საქალაქო სასამართლოს ადმინისტრაციულ საქმეთა კოლეგიის მოსამართლე - თამარ ოქროპირიძე.
2. ეს დადგენილება ამოქმედდეს 2019 წლის 5 ოქტომბრიდან.

თეა მიმისტარაშვილი

საქართველოს მოსამართლეთა კონფერენციის  
ადმინისტრაციული კომიტეტის საგანგებოდ უფლებამოსილი წევრი



## საქართველოს მოსამართლეთა კონფერენციის

დადგენილება № 4

ქ.თბილისი

5 ოქტომბერი 2019 წელი

საქართველოს მოსამართლეთა კონფერენციის  
ადმინისტრაციული კომიტეტის წევრის არჩევის თაობაზე

„საერთო სასამართლოების შესახებ“ საქართველოს ორგანული კანონის 64-ე და 65-ე მუხლების, საქართველოს მოსამართლეთა კონფერენციის რეგლამენტის მე-6 და მე-7 მუხლების საფუძველზე, საქართველოს მოსამართლეთა კონფერენცია

### ა დ გ ე ნ ს:

1. საქართველოს მოსამართლეთა კონფერენციის ადმინისტრაციული კომიტეტის წევრად არჩეულ იქნეს თბილისის სააპელაციო სასამართლოს ადმინისტრაციულ საქმეთა პალატის მოსამართლე - ილონა თოდუა.
2. ეს დადგენილება ამოქმედდეს 2019 წლის 5 ოქტომბრიდან.

თეა ძიმისტარაშვილი

საქართველოს მოსამართლეთა კონფერენციის  
ადმინისტრაციული კომიტეტის საგანგებოდ უფლებამოსილი წევრი



## საქართველოს მოსამართლეთა კონფერენცია

დადგენილება № 5

ქ.თბილისი

5 თებერვალი 2019 წელი

საქართველოს საერთო სასამართლოების მოსამართლეთა  
სადისციპლინო კოლეგიის მოსამართლე წევრის არჩევის თაობაზე

„საერთო სასამართლოების შესახებ“ საქართველოს ორგანული კანონის 65-ე და 75<sup>19</sup> მუხლების, საქართველოს მოსამართლეთა კონფერენციის რეგლამენტის მე-6 და მე-7 მუხლების საფუძველზე, საქართველოს მოსამართლეთა კონფერენცია

### ა დ გ ე ნ ს:

1. საქართველოს საერთო სასამართლოების მოსამართლეთა სადისციპლინო კოლეგიის მოსამართლე წევრად არჩეულ იქნეს თბილისის სააპელაციო სასამართლოს სამოქალაქო საქმეთა პალატის მოსამართლე - მერაბ ლომიძე.
2. ეს დადგენილება ამოქმედდეს 2019 წლის 5 თებერვლიდან.

თეა ძიმისტარაშვილი

საქართველოს მოსამართლეთა კონფერენციის  
ადმინისტრაციული კომიტეტის საგანგებოდ უფლებამოსილი წევრი



## საქართველოს მოსამართლეთა კონფერენცია

### დადგენილება №6

ქ.თბილისი

5 ოქტომბერი 2019 წელი

საქართველოს საერთო სასამართლოების მოსამართლეთა  
სადისციპლინო კოლეგიის მოსამართლე წევრის არჩევის თაობაზე

„საერთო სასამართლოების შესახებ“ საქართველოს ორგანული კანონის 65-ე და 75<sup>19</sup> მუხლების, საქართველოს მოსამართლეთა კონფერენციის რეგლამენტის მე-6 და მე-7 მუხლების საფუძველზე, საქართველოს მოსამართლეთა კონფერენცია

### ა დ გ ე ნ ს:

1. საქართველოს საერთო სასამართლოების მოსამართლეთა სადისციპლინო კოლეგიის მოსამართლე წევრად არჩეულ იქნეს თბილისის სააპელაციო სასამართლოს სამოქალაქო საქმეთა პალატის მოსამართლე - ამირან ძაბუნაძე.
2. ეს დადგენილება ამოქმედდეს 2019 წლის 5 ოქტომბრიდან.

თეა ძიმისტარაშვილი

საქართველოს მოსამართლეთა კონფერენციის  
ადმინისტრაციული კომიტეტის საგანგებოდ უფლებამოსილი წევრი



## საქართველოს მოსამართლეთა კონფერენცია

დადგენილება № 7

ქ.თბილისი

5 ოქტომბერი 2019 წელი

საქართველოს საერთო სასამართლოების მოსამართლეთა  
სადისციპლინო კოლეგიის მოსამართლე წევრის არჩევის თაობაზე

„საერთო სასამართლოების შესახებ“ საქართველოს ორგანული კანონის 65-ე და 75<sup>19</sup> მუხლების, საქართველოს მოსამართლეთა კონფერენციის რეგლამენტის მე-6 და მე-7 მუხლების საფუძველზე, საქართველოს მოსამართლეთა კონფერენცია

### ა დ გ ე ნ ს:

1. საქართველოს საერთო სასამართლოების მოსამართლეთა სადისციპლინო კოლეგიის მოსამართლე წევრად არჩეულ იქნეს თბილისის სააპელაციო სასამართლოს საგამომიებო კოლეგიის მოსამართლე - გიორგი გოგინაშვილი.

2. ეს დადგენილება ამოქმედდეს 2019 წლის 5 ოქტომბრიდან.

თეა ძიმისტარაშვილი

საქართველოს მოსამართლეთა კონფერენციის  
ადმინისტრაციული კომიტეტის საგანგებოდ უფლებამოსილი წევრი



საქართველოს მოსამართლეთა კონფერენციის

დადგენილება № 8

ქ.თბილისი

5 ოქტომბერი 2019 წელი

საქართველოს მოსამართლეთა კონფერენციის  
ადმინისტრაციული კომიტეტის თავმჯდომარის არჩევის თაობაზე

„საერთო სასამართლოების შესახებ“ საქართველოს ორგანული კანონის 64-ე და 65-ე მუხლების, საქართველოს მოსამართლეთა კონფერენციის რეგლამენტის მე-6 და მე-7 მუხლების საფუძველზე, საქართველოს მოსამართლეთა კონფერენცია

ა დ გ ე ნ ს:

1. საქართველოს მოსამართლეთა კონფერენციის ადმინისტრაციული კომიტეტის თავმჯდომარედ არჩეულ იქნეს თბილისის სააპელაციო სასამართლოს ადმინისტრაციულ საქმეთა პალატის მოსამართლე - ილონა თოდუა.
2. ეს დადგენილება ამოქმედდეს 2019 წლის 5 ოქტომბრიდან.

თეა ძიმისტარაშვილი

საქართველოს მოსამართლეთა კონფერენციის  
ადმინისტრაციული კომიტეტის საგანგებოდ უფლებამოსილი წევრი